


鶴
山
題
跋





跋題山鶴

撰翁了魏

編主五雲王

編初成集書叢

跋題山鶴

中華民國二十五年十二月初版

撰者 魏了翁

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

鶴山題跋

目錄

卷之一

跋六安縣尉顧士龍詩卷

跋二蘇送宋彭州迎視二親詩

跋房氏清白堂記

跋丹稜彭君基誌銘

跋南軒與坐忘居士房公帖

跋宋常丞德之送行詩後序

跋思濠史氏遺安堂記

跋眉人王慶長辨蜀都賦

跋虞丞相帖

跋明道先生和康節打乖吟真蹟

跋文忠烈公真蹟

跋祖擇之龍學帖

跋蔣希魯密學帖

跋鮮于子駿帖

跋河東轉運王恭簡公後家書

跋向侍郎子誼拘張邦昌家屬檄

跋黃尚書由與任千載違詩後

跋李德文勿齋四箴

卷之二

跋武連湯尉檄

跋張于湖念奴嬌詞真蹟

跋唐恭愍公遺墨

跋黃侍郎疇若送虞永康剛簡赴召詩

跋金堂謝氏所藏伊川程氏真蹟

跋閔中蒲氏所藏石范文三家墨蹟

跋蘇文忠墨蹟

跋樂子仁新爲洪雅王甲作壽樂堂記

跋蘇氏帖

跋任諫議伯甫帖

跋陳思王帖

跋傅諫議帖

跋虞公雍允文折虜使奏劄

跋陸日新盡忠辯誣錄

跋晏元獻公帖

跋崔吉甫三邊表裏圖

跋東坡復鬼章告裕陵文真蹟

跋東坡書張志和漁父詞大字

跋山谷與楊君全詩帖真蹟

跋東坡次韻王晉卿乞花詩真蹟

跋趙淵墨竹詩帖

跋東坡辭免中書舍人真蹟

卷之三

題趙侍郎公頤帖後

跋南軒所與李季允墓帖

跋高宗付吳玠凡事密奏宸翰

跋遂寧傅氏所藏濂溪伊川真蹟

題劉左史光祖所書潼川陳荷之母任氏

墓銘

跋胡文靖公晉臣橄欖詩真蹟

跋孟蜀斷壘

跋山谷所書香山七德舞

跋胡知院與季溥往來書帖

跋楊參議與家書後

跋楊司理德輔之父紀問辯曆

題普慈馮惟一率錢建貢院疏後

跋邵康節逢春詩

跋呂正獻公繳進與龍節虜使例外送土

物素藁

跋韓持國帖

跋何丞相東家藏欽宗御書

二則

跋鄭忠穆公家問遺事

跋高宗賜吳玠招納關陝流亡御札

題山谷安樂山留題後

題米南宮帖

跋張存之行狀

跋李文簡公手記李悅等十事

跋司馬文正帖

跋宋龍學帖

跋劉御史述帖

跋黃太史帖

跋馬御史涓帖

跋諸賢帖

跋趙忠定公與游忠公仲鴻帖

跋朱呂學規

跋陳了齋黃沈

跋王君詔詩

跋程正伯家所藏山谷書杜少陵詩帖

跋崔次和勉齋銘

跋南軒帖

跋張魏公帖

跋史峴之母家氏墓誌

卷之四

跋虞秦公棋所撰杜府君與權墓銘

跋楊少卿子謨所題趙子安一經閣詩

跋張魏公帖

跋江宗博致仕帖

跋廣漢趙變論語說

跋杜忠可孝嚴曾祖節範處士告

書潼川柳彥養墓碑陰

跋游景仁伯所藏裴紹業告

跋康節先生答富韓公東

跋賜潞京恤刑詔書

跋康節與韓康公唱和詩

跋秦伯鎮兵部問易康節書

跋康節詩

跋呂文靖公試卷真蹟

跋青神杜才叔和歸去來詞

跋端明程公振諡剛愍議

跋張忠獻公所與張忠簡闡三帖

跋三傳祠記行狀

跋吳正憲公充帖

跋吳正肅公育帖 二則

跋盧氏正歲會拜錄

跋鄭資政剛中遺事

跋李清臣奏疏

跋沈國錄煥淳熙八年太學私試策問

跋晏元獻公帖

跋朱文公所與輔漢卿帖

跋李肩吾從周所書損益二卦

跋顏魯公爭坐帖

跋胡復半野詩藁

跋朱文公所與任伯起樞密東

跋陳了齋辯王荊公日錄

跋趙清敏公墨蹟

跋蘇文定公帖

跋米友仁帖

跋斜川帖

跋蘇養直後湖詩

題林叔清古易

跋陳尚書宗召均瞻宗族真蹟

跋環溪吳先生沆夢記

跋范太史記司馬公布衾銘

跋聶侍郎子述所藏徐明叔篆赤壁賦

跋陳中含貴誼所藏杜正獻草書

跋陳正獻公所藏孝廟御書用人論

跋陳忠肅公嶽山壽寧觀留詩

跋楊文公書遺教經

跋楊文公真蹟

跋方宣諭宗卿庭實奏議

題復州鴻軒

跋張魏公帖

跋陳忠肅公帖

跋北山薙議

跋司馬子已先後天諸圖

跋彭忠肅公真蹟後

跋尤氏遂初堂藏書目錄序後

題李肩吾爲許成大書鄉黨內則

題李肩吾所書鄉黨

跋鄧氏四世死事

跋處士蔣南式家傳

跋顧夫人墓誌後

跋家季文守富順日拒吳曦爲微事

跋趙康節檢束二太字

跋樓參政紹熙五年內禪詔草

跋毛氏增韻

跋番陽董氏所藏東坡墨蹟

跋黃太史帖

跋張忠獻呂忠穆李忠肅書

跋趙昌父送到清之子澄事後

跋類省試卷策後

跋羅文恭公黜諫彙

跋羅文恭公薦士彙

跋羅文恭公後省繳殿彙

跋公安張氏所藏東坡帖

永嘉薛榮祖臨予觀亭記本而書袁和叔

一語以求予一言

跋邵某宣和使虜賜私覲茶幣

跋蘇文忠屬黃州教授作賀邵樞密啓

題李肩吾爲尹商卿書鄉黨

跋辛簡穆公與秦檜爭和議奏稿

卷之六

跋靜春先生劉子澄帖

跋牟少真發蒙中庸大學俗解

跋牛寶章大年記楊少卿事

題蘇叔明公誠陶然堂賦後

跋東坡趙德麟字說真蹟

題孟莘事狀

跋張宣公帖 二則

跋朱文帖

題新州儀曹范垕元帥府牒後

書溫士周挺讀歷代書

題朱文公帖

題孫教授誌銘

陳猷春龍出穴圖

王荆公真翰

跋克齋游吏部所書孟子一章

跋趙安慶所藏東坡帖

跋趙安慶先世書

跋魏少申春仲碑陰

通典跋

卷之七

跋丹稜劉氏黨籍

題史繩祖孝經

題彭山宋彥祥詩卷

題吳武安所得高孝兩朝宸翰

題周子靖理齋銘後

跋修全趙公所作蒙篋

題馮仰之因重論後

跋師厚卿遇致仕十詩

跋御書鶴山書院四大字

跋御書唐人嚴武詩二十八言

跋楊慈湖所書韓貫道墓後

跋先表叔留題鍾山西湖二詩後

跋陳君舉東宮進故事

跋四十年補試卷

題陳思書苑菁華

題呂城李氏世藏名帖

題茅山道士所藏朱晦菴以佛語調楊誠

齋周益公帖

題深衣畫像

題盧祖岳復別祖墓

書劉仲坎習之孝義傳後

鶴山題跋目錄

終

鶴山題跋卷之一

臨邛 魏了翁 撰

海虞 毛晉 訂

跋六安縣尉顧士龍詩卷

開禧初正余以職事課諸生射於右庠或挽五石弓神色閑雅若無意於射中而未嘗有虛鏃者或挽不及石而汗顏掉腕其發不能以三十步者或既取其大引不能滿而易其次者又易其下者齊量之淺深氣格之高下毫末不能以强余方舍然有感於爲文之法顧爲同僚語會顧六安以一篇詩求跋因爲書目前所見以贈顧君今能挽强矣其必如無意於射者而後止也

跋二蘇送宋彭州迎視二親詩

開禧二年秋余以侍養不便由館職丐漢嘉以歸明年春僅至蜀口聞逆曦之變倉卒議還荊州盡違始願會新安慶守趙景魯亦歸自西和卽約與

俱見其二子焉其一巖叟也自蜀中得二蘇公送宋彭州詩真蹟及諸賢題識袖以相示方塵沙昧目峨峨悽愴而余畱滯南服白雲渺邈何當負弩前驅平反加食如彭州之樂也覽詩慨然

跋房氏清白堂記

吾友張季可袖房氏清白堂記遇余於里舍曰房君納粟得官辭而後受諸賢嘗爲題識矣更欲得余一言余罔然不知所對則謂曰輸財辭爵卜式嘗爲之矣而論者謂非人情輸財受爵崔烈嘗爲之矣而論者反嫌銅臭是非混然則將何以處此季可其爲我以此復于清白堂主人而復以語我

跋丹稜彭君墓誌銘

丹稜彭百川始欲以紹熙之元葬其親于墓之左其宗人洋川通守亘嘗爲之銘尋牽於陰陽拘良之說乃改卜逮嘉定之二年十二月壬午蔡始良月日既與銘牓則俾予識其末嗚呼自義理不競

封竈大事乃盡操之巫史鴻生學士豈無尚論古制習聞儒先者而人所共疑稍獨與則紛然以爲是闕於人情往往以緩者爲審速者爲簡彭君之葬自庚戌迄今一爲所怵動至二十年亦以不敢獨與耳彭君飭身嗜學卒老布韋百川之通瞻當有以卒其志者

跋南軒與坐忘居士房公帖

自義理不競士不知有爲已之學喪志於記誦滅質於文采乃且沾沾自喜以爲是射名干利之具流風益遠頹俗莫返而坐忘居士房君生長西南獨能不狃于俗旁搜博取以求其會心有未釋亦不敢有愛于言將以究詰其疑圖爲真是之歸今南軒遺墨謂其拔于流俗謂其剝去華飾謂其白首守道凜然如霜松雪竹者嗚呼其賢矣乎因歸其所與南軒往來書尺于其孫興卿而嘆美之不置也附姓名其後

跋宋常丞德之送行詩後序

嘉泰末余入爲學官時柄臣擅朝將十年士氣日削陰俟風指者已密陳開邊之議一日赤青爲沴太陰犯權未旬日北內門鴟尾及省部相第災幸相襪被奔都亭驛翌日上避殿徹膳詔百官上封事余時與李仲衍范少才趙全道先生同在學省李范及余大槩謂今爵及輿隸權移主上趙所言數事亦切時病余忘之矣而宋君時編摩宥府謂離爲火爲甲兵坎爲水爲月爲盜爲隱伏故火失其性赤氣見濫炎起則憂在甲兵之事水失其性太陰失度犯權則憂在隱伏之盜識者避之是歲公邊帥守始盡易武臣吳曦旣久在西塾皇甫斌在襄漢郭倪李爽在兩淮悉總兵民之任識者憂之而未有陳說者宋君又索言之次謂乞置四川類補試使蜀士得補入太學次謂蜀帥權重宜及今防微杜漸宋君旣對余適以職事見宰相謂余

曰宋編修旣言蜀帥權重而又欲蜀學得擬賢關
余覩其詞色方悞不平退卽爲宋君言之宋矚知
廟論不合力請去執政有留之者俾丞奉常涉春
再請乃得去方是時朝廷論議和者如出一口而
乃有不苟於同以取宰相厭棄者可不謂賢乎宋
李范趙與余旣相繼去國時事大變宋所言甲兵
武帥等事至是皆驗可不謂識慮過人矣乎國雖
靡止或聖或否民雖靡靡或哲或謀或肅或艾天
下未有有陰無陽有小人無君子之時故又曰如
彼泉流無淪胥以敗譬之泉也苟疏而通之雖有
淤腐可賴以免徒知壅閼蔽塞無所分別則淤日
以甚清者亦與俱敗耳慶元嘉泰開禧之間而稍
知此理也賢者尚可以少安於位以相與扶世建
俗大綱雖失亦須能揀其半竟蹈淪胥之戒使生
靈受其禍而賢者徒以知言名於時可勝嘆夫後
二年朝廷改元更化余被命將造朝宋君以諸公

乙丑送行詩墨本見寄因以所見題其後云

跋忠憲史氏遺安堂記

萬物之生洪纖鉅細各得其分人惟率吾性素其
位慊於中心則無入而不自得否則蹴焉不能以
自安冕服春秋諸侯之所易也而不出於天子之
命則不安稻錦民生日用之常也而衣食於三年
之喪則不安晉武公必請諸天子之使宰我必問
諸夫子使意所欲爲居之而安奚以請問爲也人
人之情至於繚繞覆護皆非天理之正然驗天理
之正則莫切於此儻於是而有得焉則浩然天地
之間死生利害之變舉不足以易吾守況其餘乎
史君以遺安堂記相示用述安之爲義識其後云

跋眉人王慶長辯蜀都賦

後唐張不立嘗爲詩曰朝廷不用憂巴俗稱霸何
曾是蜀人人以爲名言至本朝張次公序蜀檮杌
天覺送凌戡歸蜀大抵亦皆爲蜀人辯數者也忠

義固臣子之常分知不知庸何恤而蜀人之大節表表在人亦豈在國者之所能涵三子者之撰亦不洪矣故不若東溪辯蜀都賦蓋不專爲蜀辯將以發左思抑蜀黜吳僭魏諛晉之罪真有功於名教也士之生蜀者其自今宜知所愛重毋使後人辯今猶今辯咎焉

跋虞丞相帖

右雍忠肅公所與彭出楊公民極來往帖也首帖所謂已抵大安候公案到結局便行王總卿除宣諭蓋公紹興三十二年由西掖夏官宣諭川陝秋九月辛亥乃以外府卿四川總領財賦王之望代之次帖所謂當塗分攜後不旬日赴闕下又不旬日走萬里九月抵漢上蓋隆興元年春公與時宰迂以敷學知當塗六月由當塗召還甲申歲復除夏官宣諭京湖也所謂虜帥以書約和朝廷以洪同知書報之蓋是歲七月乙未金人統軍紇石烈

志寧致書于三省密院謂舊歲貢如約則止九月已丑朔上命同知密院洪遵答書言海泗唐鄧等州事在正隆渝盟之後我未遣使之前至於歲幣則兩淮彫殘之餘未能充數今遣密院計議官盧仲賢等至軍前詳議書未所謂大而有理者卽此書也公與王瞻叔爲代雖知時論弗合而於瞻叔蓋未始隙也公又嘗薦之於上前未幾乃與葉審言共擠公及公召還王又疑公必相仇報凡所以毀公者日至於朝後又與王珪以公差皇甫偁知信陽軍中公後又力主棄地奉誓之說合卹以軋公及張忠獻公至是所謂大而有理之約亦不復然矣某嘗閱公奏疏有之望怨臣不已不知臣實未嘗於陛下之前朝廷之上百僚之間出一言一字以短之望者今觀此帖乃與其交友私書亦謂王總卿爲宣諭川秦之福公之所以稱瞻叔蓋若此及爾如貫諒不我知嘗三復蘇軾之事爲之嘆

息

跋明道先生和康節打乖吟真蹟

聖賢事業本經綸肯爲巢由繼後塵三幣未回
伊尹志萬鍾難換子與食且因老藏千古已
占西軒度十春時止時行皆有命先生不是打
乖人

邵氏子書以康節先生墓石屬筆于明道先生久
而未得其說步于庭中忽躍然曰吾得之矣堯夫
之學可謂安且成乃書之曰先生少時自雄其才
慷慨有大志及學益老德益邵玩心高明觀於天
地之運化陰陽之消長以達乎萬物之變然後頽
然其順浩然其歸而最後遂以安且成三字終一
篇之大指嗚呼論康節者多矣而未有親切的確
如斯言者也學者之觀是詩誠能以是參焉而知
以打乖自謂非一於遜以經綸答賦非一於通然
後二先生之心可識而學者亦有所據依也同時

倡酬者如富文忠王懿恪文忠烈司馬文正及洛
中時賢皆有詩明道獨賦二詩今所得真蹟惟後
一首而前詩俄空焉究玩聲畫於百數十年之後
猶足以興起頑懦況於親炙之者乎

跋文忠烈公真蹟

右路忠烈公三帖皆元祐初公以師垣便章軍國
時也帖所謂腹疾則元年九月也公以是久在告
不克陪宗祀時年八十一得疾稍間而筆力遒勁
若此且其辭氣謙厚惟恐失一士之心衛武之詩
曰抑抑威儀維德之隅咏其隅而有諸中者可知
矣後一帖雖史牘而緘封乃公花書唐人初未有
押字但草書其名以爲私記故號花書如韋陟五
雲體是也國朝大老亦多以名爲押而圖其下今
其可考者如趙清獻王文公皆然而熙寧間至有
花書盡作捲之語益可推見今併存此幅以識前
輩典刑云

跋祖擇之龍學帖

右祖擇之所與李才元帖也才元之入乃裕陵東記至數其去喪之日而虛記注以待而擇之之出則以王介甫誣治其移金僭酒事至責散官以去皆熙寧初也故今第一第二帖才元方赴門僕職而擇之已榜舟出門擇之雖出尚幸才元之入也居無何才元以革介甫制多訓敕語忤介甫力請去裕陵固留之三年又以論青苗法繼李定詞連往介甫明年竟出知汝州人主急於求賢而大臣果於嫉善若此嗚呼吾乃今知大臣喜怒過於人主也中帖所謂才元府推未知才元爲京屬在何時也當考

跋蔣希魯密學帖

右樞密直學士蔣堂希魯二詩前時遂翁嘗乃公自號也元厚之賦淮漕司庭檜詩有孤根元是遂翁移之語卽指公也少愚則白雲張氏字也公再

守杭白雲自蜀遊杭道舊賦詩情思藹然而筆畫勁直有法尤爲可寶傳謂公修潔遇事不少屈好學工文詞尤善作詩而伊川程子記蜀守亦稱公損邀樂毀淫祠修府舍三事觀此蓋可想見其爲人矣或曰之二詩蓋裝背失次後詩當在前乃白雲畱杭日面故書名前詩當在後乃白雲去杭後寄往故稱私號亦未知然否

跋鮮于子駿帖

公字子駿閬中人終於集賢修撰知陳州裕陵稱其文學司馬文正公稱其政事蘇文忠公稱其詞章泰山孫先生稱其經術公之爲人大略可觀矣今觀此帖雖游戲翰墨而大要使人內觀返照以求其在己者學者循是而有得焉則知此詩不但爲紀老設也

跋河東轉運王步陷虜後家書

有謂於余者曰寓雅之百丈威里王萬榮余道而

揖之曰雅人安有戚里者耶曰我駙馬晉卿之後
以靖康避地至此我從祖姪爲河東漕既擊于虜
數寓家訊今真蹟尚存且屬余書其後嗚呼靖康
之禍烈矣欽廟爲第九世卽位之年當本朝一百
六十六年抑所謂陽九百六者乎太原之歸職方
最後而最先失帥臣張孝純及轉運公盡力守城
凡九閱月卒與城俱陷其時張克戩晉死于汾霍
安國死于懷之二人尚得獨生或曰陵平漢烏取
諸曰不然矢盡道窮俛首于虜謂陵可也不忘君
父志在復還陵烏乎然虜旣款我盟載久愆有志
莫遂自肖厥象遺其子孫以示必死此心噉如白
日陵烏乎然余嘗反覆公之心畫雖惜其不死而
重矜其區區之心故書之以慰其子孫之思云

跋向侍郎子誼拘張邦昌家屬敬藁

靖康末吳玠莫儁王時雍徐棄哲以僞楚叛圍城
中士大夫負國賣降者行若狗彘固不足深數而

其論奏之詳死節之著凡有功於反正者班班史
冊及今檄藁諸賢叙述爲詳不用贅贊老槍陳議
甚偉亦顯然在人耳目或又謂出於馬時中吳亨
仁之手則人未可以此盡沒其是也惟是此外如
時中於檄陷虜後排日以復辟事申邦昌
逸事狀不書排
日徐師川桂冠以去至以昌奴其婢虹縣尉徐端
益不拜僞敕堂吏張惠聰亦首建反正之議皆能
以一節自著者則往往史所未載人不能盡詳因
以檄藁之末以見自咎雖極敝大壞所謂天壤人
紀則未嘗一日間斷也

跋黃尚書由與任千載逢詩後

今嘉定通守任君當擘韓用事時由西充丞考瀘
州貢士發策援漢王鳳事頗切時事任君疎遠小
吏何預朝廷末議亦非有賣直要譽特發於中心
之不能已者而厲大於韓者遂欲摘此以爲奇貨
幾爲所抨擊黃公子由時作秩宗亟爲採解得免